

Zudas Zudas egañ zapat meluwañ kapi kuye

Zapat meluwañ kapi Zudasियाñ kuye. An kapi Zemsiyet notnañ isikñañ. Zems egañ Zelusalem am nâmkijpepeñinmak mambien ekñengalen an damuñ. Zemsimak Zudas eget Zisasiyet meniñanet (Matiyu 13:55; Mak 6:3). Zudasियाñ zapat meluwañ kapi apapalak kuye. Glik ma Zuda amgat temakwep kumindayeyepmti eksese mti mamayelen.

Zet zapat meluwañ kapiyet keñan tazinen am nâmkijpepeñinmak indamukulem mimindeme zet ñen yuñguñguñañmagañ ekñengat tuñguwinanen kwapme sekwep kume totogalen zemgwatnañ zet kumindaye. Kawawañ nâmkijpenup keyañ zemâtâtât papianok beme yom mmambe tapmanup yañgut ke met zikat samamti mama kanzizit ñep aiikgalen kogok zemyuñguwien. Zemgwatnañ keboñ ma zet notnañ am nâmkijpepeñin ñep mukulem mindendeyelen nâmti kumindaye.

Zet ñotekñañ temañ kapigogañ Zudas zapat meluwañ keñan talip:

- 1-2 Mukuku zet ma zemsesewat zet
- 3-4 Kulekikiyañ tasokbeme zapat meluwañ kapi kukuñañ
- 5-16 An zemyuñgu yuñgu ekñengalen zet mutu mutuyet ekseseyelen

17-23 Am nâmkîņpepeņinaņgalen zemolimindenēņāņ

24-25 Zet zemdelaņ zenzeņāņ

¹ Âpme neņ Zudas Zisas Kilaisiyelen mulup an ma Zemsiyet meniņāņ. Yaņ neņ zet zapat meluwaņ kapi Kawawaņāņ am indakumtetiye ma Kawawaņ Biwinaņ ikņāņ in gogot mîmîndeme Zisas Kilais egaņ maindikdamuņ min ingat kumîndayap.

² Kegogapmti Kawawaņgalen aņgalaņ gogot ma keņ sewakņāņ ma gogotnaņ inmagen bemîsik-sikņāņmak weweyet nâmti mandunduyap.

Zet Zapat Dolakņāņ Penāņ zemyuņņungu an ekņengat eksewep

³ Notnne penāņ, neņ inmagen zet zapat meluwaņ ņeņāņ in ma neņ ningalen nâmkîņpepeyet yaņāņ Zisas Kilaisiyaņ ningat yomgapmti gakiye manânup keyet kumîndasâgât mneti pemaweme naman zet kapi ņoktiknnaņ nâmkawaņ bemtiyepm inmagen sakwep zemsokbemîndandayelengapmti kumîndasowap. Kawawaņgalen zet katnaņ penāņ in kukņāņgat indadaņāņ e zet penāņ ilak ke. Kogogapmti egalen zelen in ekmak tusum mamayelen zemâtâtât sambe tazin ke ingat nâmkîņpepeņin mkaliņāņ bembeyelengat zet windeņāņbeņ zemti tabep. Zet ke nâmkîņpepeņin mkaliņāņ bemti weyaņ mamayelen golaņ zet kegok kumîndayap. ⁴ An notnaņ Kawawaņgat ku manâmkîņpeip ekņen keyaņ buzak ingat tuņguwinan kobienāņ mamaip, ekņen ke in

ku indikmâtâbien. Ekñen keyelen mzikat indanda kapigok set tazin. Kawawaᅇalen keᅇ taoletnaᅇgat manzemyuᅇgumti zemgulu gilik mamip, “Kawawaᅇalen keᅇ taoletnaᅇ tazingapmti yom ᅇp mseip,” zeme in yom mamip. Ma Amobotnaᅇᅇ Žisas Kilais winde sambeyet toᅇᅇ ek manzemkandatpeip. Kogogapm kan tipman baenen golan zenze an ekᅇnaᅇ Kawawaᅇaᅇ an ekᅇen set kileᅇ mama ekᅇnaᅇ zet kabon kapi zewep nâmtiyepm dopmaᅇin bekaᅇaᅇ mutumindasâgât nâmti zeme kuwien. ⁵ In zet kapi nâmtalip keyegak neᅇ ewe zema in keyet otnâit. Amobotnaᅇ Kawawaᅇaᅇ eweᅇaᅇ Israel am mulup katikᅇaᅇ Izip msalen mame Kawawaᅇaᅇ indamukulem mme Izip msat ke katikpempti mebien. Yaᅇgut keyet palaᅇaᅇnen am notnaᅇ ekᅇen Kawawaᅇalen zetnaᅇ kuluwiengapmti indawalet mâge. ⁶ Âpme in ensel ekᅇen Kawawaᅇalen zetnaᅇ kulumti ek sebempepeyelen mme Kawawaᅇalen mundumen ke Kawawaᅇaᅇ âtâtindeme kwatobien keyet nâmtalip. Topme Kawawaᅇaᅇ selin belin zamti mundumin tambusosogen zemindeyeyaᅇ ke etaᅇ ke matalip. Yaᅇ bamgat zemdelan zenze kanen Kawawaᅇaᅇ ekᅇen zemindondoyet zapat zemindeyeyaᅇ talip. ⁷ Ma in itnaᅇaᅇ tipman baenen mka temaᅇ zut Sodom ma Gomola ma mka ᅇande sokᅇaᅇ sokᅇaᅇ tapmebien ekᅇen keyelen zet zapat ke otnâit. Ekᅇnaᅇ anaᅇ anaᅇ ilinak set kileᅇ mulup mbien ma imbi imbiyaᅇ ilinak set kileᅇ mimiyaᅇlen nâmtikᅇaᅇ penaᅇ mti bekaᅇaᅇ ke mkwabien.

Kegok mamme Kawawaŋaŋ am ma mka teman ekŋen ke yominaŋgat dopmaŋ tewaŋ indabume delaŋ zemâge. Keyaŋ ningat piliŋ bein ma teziŋ kwesiŋ kwesiŋ manzin keyet keŋan ayomtoŋaŋ dopmaŋin ke indeme towebep.

⁸ Âpme sakam kegogak an ekŋen keyaŋ ki kimbemti ilinaŋgalen ŋoktik ke bandim mti otnâmti set kileŋ mulup mti sekŋin mawalelip. Ekŋenaŋ Kawawaŋgalen windeyet zemtalati ensel dolakŋaŋ ekŋengat mtotindemti zet bekaŋaŋ manzeip. ⁹ Yaŋgut eweŋan penaŋ ensel dolakŋaŋ ekŋengalen ŋeŋaŋin kwitnaŋ Maikel ekmak Sadaŋmak Mosesiyet sekŋaŋ gakikiŋaŋgat msalen kapi mdândâmti zet mmot mtot mbun. Yaŋ mbunaŋ yek beme ensel Maikel egaŋ Sadaŋ zet mtopemti zenzeyet nâme ŋep ku beme pigok etaŋ dunduye, “Amobotnaŋ Kawawaŋaŋ iŋŋaŋ dopmaŋ mutumgawe.” Egaŋ zeye keyet kataŋ ekŋenaŋ ku tapmip. ¹⁰ Âpme set kileŋ an ekŋen keyaŋ zet yaŋaŋ ku nâmâtâlíp keyet ekŋenaŋ zet belakŋaŋ penaŋ manâip. Keyaŋgut an ekŋen keyaŋ tam boyaŋ sekŋinaŋgat tikŋaŋ nâmti mamâlíp keyet kataŋ ekŋenaŋ ilinaŋgat sekŋinaŋgalen kwitnaŋ kwitnaŋgat nânâ etaŋ mamâlíp. Kegok mti ilinaŋgat keŋin ma sekŋin mawalelip. ¹¹ Wakae! An ekŋen sindem omba penaŋ tiwep. Ekŋen keyaŋ an ŋen kwitnaŋ Kein egalen mama mimi mamâlíp. An ŋen kwitnaŋ Balaam egalen mama mimi mâti mânep mandam titiyelen mulup kwitnaŋ kwitnaŋ bekaŋaŋ mam mâlip. Ma sakam kegogak an kwitnaŋ Kola ek ma maŋeŋane ekŋenaŋ

Kawawaŋgat zet bamset zeme indawalege. An ekŋen kemagen Kawawaŋgalen ŋenzinziŋ ekŋengat palen timtapme tapmaip.

¹² Âpme am nâmkinpepeŋinmak in tu meuŋin timbum ondekti Amobotnaŋgat keŋ oloŋen tatnime set kileŋ an ekŋen keyaŋ inmagen koti meu ilinsakwep tatnip. Keyaŋ ingalen tototalin ke mme mgasik tabein. Mti keyet ekŋenaŋ sakambuk ku mamip. Ekŋenaŋ ilinaŋgat an damuŋ manzeip keyaŋgut dapmelanŋene ku maindikdamuŋ mip. An ekŋen keyet yaŋin zanza sopmaŋ tâgâyaŋ kumbume pelelaŋ mekopme mawaŋ ku makozin keboŋ. Ma ekŋen ke tep katnaŋ kananen ku maelikme selume memuaŋ penaaŋ mambein keboŋ. ¹³ Ma an ekŋen keyet mama mimiŋin nembu mamaŋ temaŋaŋ kwati mpulup pulup kaputimti gambibigen mopmay-aloŋzin keboŋ. Ma ekŋengalen mama mimiŋin sakambukŋaŋmak mamip ke nembu mamaŋ zawaŋ salaŋ kalak kalak mamin keboŋ. Ma an ekŋen ke wenzimaŋ mundumaŋ katikpemti belakŋaŋ mepmatazin keboŋ. Ma an ekŋen ke Kawawaŋaŋ tambusosok gimbikŋan keŋan mamayet zapat ombempeye keyet tabep.

¹⁴ Âpme Adam ekmagengatnaŋ am sokbemkwatnepeme sek 7 beme an kwitnaŋ Inok egaŋ sokbeye. Egaŋ an ekŋen keyet ma am notnaŋ keboŋgat golaŋ zenze an keyaŋ zet kapigok zeye, “Egit! Amobotnaŋ ek enselŋane teŋ sambe sopmaŋ ekŋenmak koti ¹⁵ am sambe zemindomti am yomtoŋ ekŋen egat ku manâmkinpemti mulup bekaŋaŋ am notnaŋmagen mamip ma zet kwit-

naŋ kwitnaŋ bekaŋaŋ Kawawaŋ egat manzementalalip am ekŋen keboŋ ke dopmaŋin bekaŋaŋ penaŋ egaŋ mutumindawe.”

¹⁶ Âpme an ekŋen ke âŋ zelinbeŋ ma am notnaŋgat nâmbekam bembe mamip. Mti ilinaŋgalen mama mimi bekaŋaŋ ke mamâlîp ma ilinaŋgat sek mobot zet zemti zet kelakŋaŋ mimindame ekŋengat kwizet buŋamin mmobotgat mamip.

Bimbim zet

¹⁷ Yaŋgut notnne, in Amobotnaŋ Zisas Kilaisiyelen mulup anene mamti egalen Zet Zapat Dolakŋaŋ Penaŋ zempalakŋaŋ bembeyelen nâmti ombemindeye ekŋenaŋ zet tipman baenen kwitnaŋ kwitnaŋ bam sokbembeyet diindowienen ke otnâit! ¹⁸ Ekŋenaŋ ingat kapigok zewien, “Kan Zisas Kilaisiyelen kokotnaŋgalen kan bududuk beme am Kawawaŋgat ku manâmkiŋpeip ekŋen keyaŋ ingat zet mtotindende zet diindowep ma an ekŋen keyaŋ ilinaŋgalen mama mimi bekaŋaŋ mamâlîp.” ¹⁹ Ma ekŋen keyaŋ am maŋge makalaŋindeip ma ekŋen Kawawaŋgalen Emetak Teŋaŋ ku maindikdamuŋ min. Sekgalen tikŋaŋaŋ etaŋ maindikdamuŋ min. ²⁰ Yaŋgut notnne, in nâmtiŋpepeŋin esemteŋ taindain keyet dukŋaŋ imtati kwitnaŋ kwitnaŋ pembenâŋ akumbembeyet mti nâmtiŋpepeen semembep. In Emetak Teŋaŋ nânâ indame egalen nânâ mâti mandundumambep. ²¹ Ma in Kawawaŋgalen gogotnaŋ kandaŋan mamti ku bamkumpewep. Kegok mti kan delan zenzeyet damuŋ tapme Amobotnaŋ Zisas Kilais

egan ingat anġalan gogot mimindamti mama kwesiŋ kwesiŋ ke indawe.

²² In am ekneŋ nâmkinepepeŋin ku mamkatik-beip ekneŋ keyet keŋ sewakneŋ palen indamambep. ²³ Ma in am mama mimiŋin bekanan mamip ekneŋ teziŋ nandenen mesâipgat indamukulem mbep. Ma notnan ekneŋ bekanan kilen penan mti mamaip in kemben palen indamukulem mbewanġut eksemambe mbep mneti in indamandame in kogogak bekananin keŋan toti yommak bewepgat telenan tati mbep.

Kawawan olimpepeyelen zet

²⁴ Neŋ Kawawanan in neŋ kapigok mimindandayelen maotnâyap. Egan in neŋ indamukulem mme yomen ku toindowe ma egan kegogak neŋ indatimti mama kwesiŋ kwesiŋ busatnanmak iknanġalen mundum keyet keŋan moindewe. Ma egan in Kilaisiyet pembenanġat mti in indikme myunġunġunpinin beme oloŋen palen ekmak mambep. ²⁵ Kogogapmti nin Kawawanġat kwizet bujanan mwatpene. Ek kwewetan Kawawan. Egan Amobotnan Zisas Kilais egalen gakikinanġapmti am nin yomengananġat gilik zemti ndatiye. Ek Amobotnan teman ma ek kwitnan kwitnan sambe keyet tonan ma ek windenan temanan ewenan baen takwage yan alak takwazin yan ewe tapmobe! Ke penan.

Kawawangalen Tâtâ Alakṇaṇ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 11 Nov 2022 from source files dated 9 Oct 2020

ea68a902-358a-5c72-82de-a583fc4809e7